

唐  
音  
統  
籤

戊籤五許渾之二

唐音統籤卷

五百八十四

五言律詩二

陪王尚書泛蓮池舟

蓮塘移畫舸泛泛日華清水暖魚頻躍煙秋鴈早  
鳴舞疑迴雪態歌轉過雲聲客散山公醉風高月  
滿城

陪鄭史君汎舟晚歸

南郭望歸處郡樓高卷簾平橋低皂蓋曲岸轉彤  
檐江晚笙歌促山晴鼓角嚴羊公莫先醉清曉月  
纖纖

慈和寺移宴

高寺移清宴漁舟繫綠蘿  
潮平秋水濶雲歛暮山多  
廣檻停簫鼓繁絃散綺羅  
西樓半床月莫問夜如何

與侯春時同年南池夜話

蘆葦暮翛翛谿禽上釣舟  
露涼花歛夕風靜竹含秋  
素志應難契清言豈易求  
相歡一瓢酒明月醉西樓

南亭與百公宴集

秋來水上亭幾處似巖扃  
戲鳥翻紅葉游龜帶綠

萍管絃心戚戚羅綺鬢星星行樂非吾事西齋尚有螢

朗上人院晨坐

簾涼襟袖清日沒尚殘星山果落秋院水花開曉  
庭踈藤風嫋嫋圓桂露冥冥正憶江南寺巖齋聞  
誦經

尋戴處士

車馬長安道誰知大隱心蠻僧留古鏡蜀客寄新  
琴晒藥竹齋煖擣茶松院深思君一相訪殘雪似  
山陰

江上喜洛中親友繼至

戰馬昔紛紛風驚嵩少塵  
全家南渡遠舊友北來頻  
罷酒松筠晚賦詩楊柳一作蘭杜春誰憐  
今夜月同是洛陽人

月夜期友人不至

坐待故人宿月華清興秋  
管絃誰處醉池館此時愁  
風過渚蒲動露含山桂幽  
孤吟不可一作曙昨一作覺夜共登樓

題官舍

燕鴈水鄉飛京華信自稀  
簞瓢貧守道書劍病忘

機壘鼓吏初散繁一作鐘鳥獨歸高梧與疎柳風

雨似郊扉

漸京題司馬郊園

楚翁秦塞住昔事李輕車白社貧思橘青門老仰  
瓜讀書三逕草沽酒一籬花更欲尋芝朮商山便  
寄家

夏日戲題郭別駕東堂

微風起畫簾金翠暗珊瑚晚樹垂朱實春篁露粉  
竿散香蕚簟滑沉水越瓶寒猶恐何郎熱水生白  
玉盤

將赴京師留題孫處士山居二首

草堂近西郭遙對敬亭開  
枕脈海雲起簾涼山雨  
來高歌懷地肺遠賦憶天台  
應學相如志終須駟  
馬回

西巖有高興路僻幾人知  
松蔭花開晚山寒酒熟  
遲游從隨野鶴休息遇靈龜  
長見鄰翁說容華似  
舊時

題瀨西駱隱士

瀨溪連瀨水商嶺接秦山  
青漢不回駕白雲長  
掩關雀喧知鶴靜  
兔戲識鷗閑却笑南昌尉  
悠

作

悠城市間

寄題商洛王隱士居

近逢商洛客知爾住南塘草閣平春水柴門掩夕陽  
隨蜂收野蜜尋麝采生香更憶前年醉松花滿石床

題宣州元處士幽居

潺湲遶門水未省濯纓塵鳥散千巖曙蜂來一徑春  
杉松還待客芝朮不求人寧學磻溪叟逢時罷隱綸

題鄒處士隱居

一作裴處士居



桑柘滿江村西齋對海門浪衝高岸響潮入小池  
渾出樹蔭暮局山花落酒樽相逢亦一作更留宿還  
似識王孫

題韋隱居西

斷藥去還歸家人半掩扉山風藤子落溪雨豆花  
肥寺遠僧來少橋危客過稀不聞估杵動一作響應

解製

一作荷衣

題倪處士舊居

儒翁九十餘舊向此山居生寄一壺酒死留千卷  
書檻摧新竹少池淺故蓮疎但有子孫在帶經還

荷鋤

一作自鋤

春日題韋曲野老村舍二首

遶屋遍桑麻村南第一家  
林繁樹勢直溪轉水紋斜  
竹援晝看筍藥欄春賣花  
故園歸未得到此是天涯

背嶺枕南塘數家村落長  
鶯啼幼婦懶蠶出小姑忙  
煙草近溝濕風花臨路香  
自憐非楚客春望亦心傷

方回云幼婦小姑工則工矣而病太工草近溝而濕花臨路而香多却烟風二字

題青山館

卽謝公館

昔人詩酒地芳草思王孫  
白水半塘岸青山橫郭

門懸巖碑已折盤石井猶存無處繼行樂野花空  
一樽

神女祠

停車祀聖女涼葉下陰風龍氣石床濕鳥聲山廟  
空長眉留桂綠丹臉寄蓮一作蘭紅莫學陽臺畔朝  
雲暮雨中

天竺寺題葛洪井

羽客鍊丹井井留人已無舊泉清石下餘甃碧山  
隅雲朗鏡開匣月寒冰在壺仍聞釀仙酒此水過  
瓊餘

題崇聖寺

寺卽故行宮

西林本行殿池榭日坡陀  
雨過水初漲雲開山漸  
多曉街垂御柳秋院閉宮莎  
借問龍歸處鼎湖空  
碧波

鬱林寺

臺殿冠峯我春來日日過  
水分諸院少雲近上方  
多衆籟凝絲竹繁英耀綺羅  
酒酣詩自逸乘月棹  
寒波

恩德寺

樓臺橫復重猶有

一作在

半巖空蘿洞淺深水竹廊

高下風晴山踈雨後秋樹斷雲中未盡平生意孤  
帆又向東

潼關蘭若

來往幾經過前軒枕大河遠帆春水濶高寺夕陽  
多蝶影下紅藥鳥聲喧綠蘿故山歸未得徒咏採  
薇一作歌

題冲沼上人院

斲石種松一作杉子數根一作枝侵杳冥天寒猶講律  
雨暗尚尋經小殿燈千盞深爐水一瓶碧雲多別  
思休到望溪亭

題岫上人院

病客與僧閑頻來不掩關  
高窓雪外樹疎磬雨中  
山籬索秋蟲響登臨夕鳥還  
心知落帆處明月測  
河灣

江西鄭常侍赴鎮之日有寄因酬和

來暮亦何愁金貂在鷁舟  
旆隨寒浪動帆帶夕陽  
收布令滕王閣裁詩郢客樓  
卽應歸鳳沼中外贊  
天休

蒙河南劉大夫見示與吏部張公喜雪酬唱

輒敢攀和

風度龍山暗雲凝象闕陰端花瓊樹合仙草玉苗  
深欲醉溪王酒先調楚客琴卽應携手去將此助  
尚霖

和畢員外雪中見寄

仙署掩清景雪華松桂陰夜凌瑤席宴春寄玉京  
吟燭晃垂羅幙香寒重綉衾相思不相訪烟月刻  
溪深

酬殷堯藩

相知愧許詢寥落向溪濱竹馬兒猶小荆釵婦慣  
貧獨愁憂過日多病不如人莫怪青袍選長安隱

舊春

獻白尹 卽樂天也

醉舞任生涯  
褐寬烏帽斜  
夷公先在郡  
踈傳早還家  
林晚鳥爭樹  
園春蜂護花  
高吟應更逸  
嵩洛舊煙霞

寓居崇聖寺詩五六  
同此惟改蜂字爲蝶

贈梁將軍

曾經黑山虜  
一劍出重圍  
年長窮書意  
時清隱釣磯  
高齋雲外住  
瘦馬月中歸  
唯說鄉心苦  
春風鴈北飛

贈柳璟馮陶二校書



霄漢兩飛鳴喧喧動禁城桂堂同日盛芸閣隔年  
焚香掩蕙蘭氣韵高鸞鶴聲應憐茂陵客未有子  
虛名

晨至南亭呈裴明府

南齋夢釣竿晨起月猶殘露重螢依草風高蝶委  
蘭池光秋鏡澈山色曉屏寒更戀陶彭澤無心議  
去官

曉過鬱林寺戲呈李明府

身閑白日長何處不尋芳山崦登樓寺谿灣泊晚  
航一作洞花蜂聚蜜岩栢麝留香若指求仙路劉

鄧學阮郎

貽終南山隱者

中巖多少隱提榼抱琴遊  
潭冷薜蘿晚山香松桂秋  
飄閑高樹掛杯急曲池流  
獨有迷津客東西南北愁

贈裴處士

爲儒白髮生鄉里早聞名  
煙澗雪初下讀書山欲  
末一作明宇形翻鳥跡詩  
調合猿聲門外滄浪水知  
君欲濯纓

贈王處士

歸臥養天真鹿裘烏角巾茂陵閑久病彭澤醉長  
貧冠蓋西園夜笙歌北里春誰憐清渭曲又老釣  
魚人

贈高處士

宅前雲水滿高興一書生垂釣有深意望山多遠  
情夜碁留客宿春酒勸僧傾未作干時計何人間

姓名

三四張爲取  
爲主客圖

杜居士

松偃石床平何人識姓名溪水寒棹響巖雪夜窓  
明機盡心猿伏神閑意馬行應知此來客身世兩

無情

王居士

筇杖倚柴關，都城賣卜還。  
雨中耕白水，雲外斲青山。  
有藥身長健，無機性自閑。  
卽應生羽翼，華表在人間。

嚴陵釣臺泊貽行侶

故人天下定，歸釣碧巖幽。

悠悠作獨

舊迹隨苔古，高

名寄水流。鳥喧羣木晚，蟬急衆山秋。  
更待新安月，憑君暫駐舟。

留贈偃師主人

孤城滿未殘徒侶拂征鞍洛北去游

一作愁

遠淮南

歸夢闌曉燈回壁暗晴雪卷簾寒更盡主人酒出門行路難

聞兩河用兵因貽友人

英華作將歸茅山兼寄李叢時兩河用兵

故人日已遠身事與誰論性拙難趨世心孤易感恩秋悲憐宋玉夜舞笑劉琨徒有干時策青山尚

掩門

英華作從此歸山去無因更出門

贈遷客

無機還得罪直道不傷情微雨昏山色疎籠閉鶴聲閑居多野客高枕見江城門外長谿水憐君又

濯纓

征西舊卒

少年乘勇氣百戰過烏孫力盡邊城難功加上將  
恩曉風聽戍角殘月倚營門自說輕生處金瘡有  
舊痕

白馬寺不出院僧

禪空心已寂世路任多岐到院客長見閉關人不  
知寺喧聽講絕厨遠送齋遲牆外洛陽道東西無  
盡時

孫上人

月沉霜已凝無夢對寒燈寄世何殊客修心未到  
僧二毛梳上雪雙淚枕前冰借問曹溪路山多路  
幾層

贈僧

一作趙  
嘏詩

心法本無住流沙歸復來錫隨山鳥動經附海船  
回洗足柳邊寺坐禪花委苔唯將一童子又欲上  
天台

茅山贈梁尊師

雲屋何年客青山白日長種花春掃雪看籙夜焚  
香上象壺中潤平生夢裏忙幸承仙籍後乞取一作

與大還方

將離郊園留示弟姪

身賤與心違，秋風生旅衣。  
久貧辭國遠，多病在家稀。  
山暝客初散，樹涼人未歸。  
西都萬餘里，明旦別

紫扉

一作荆扉

示弟

白爾山門去，淚痕長滿衣。  
家貧爲客早，路遠得書稀。  
文字何人賞，煙波幾日歸。  
秋風正搖落，孤鴈又南飛。

卷終



戊籤五許渾之三

唐音統籤卷

五百八十五

五言律詩三

翫殘雪寄江南尹劉大夫

艷陽無處避皎潔不成容  
素質添瑤水清光散玉  
峯眠鷗猶戀草棲鶴未離松  
聞在金鑾望

賞作羣

仙對九重

聞薛先輩陪大夫看早梅因寄

澗梅寒正發莫信笛中吹  
素艷雪凝樹清香風滿  
枝折驚山鳥散携任野蜂  
隨今日從公醉何人倒  
接羅

喜遠書

端居換時節離恨隔龍瀧苔色上春閣柳陰移晚  
窓寄懷因桂水流淚極楓江此日南來使金盤魚

一作雙

新卜原上居寄袁校書

貧居樂游北江海思迢迢雪夜書千卷花時酒一  
瓢獨愁秦樹老孤夢楚山遙有路應相念風塵滿  
黑貂

寄袁都校書

後樓換時節舊山琪樹陰猶乖青漢志方一作空負

白雲心廣陌埃塵遠重門管吹深勞歌極西望共  
省有知音

王秀才自越見訪不遇題詩而回因以酬寄  
南齋知數宿半爲木蘭開晴閣留詩遍春帆載酒  
回煙深揚子宅雲斷越王臺自有孤舟興無妨更  
一來

下第歸朱方寄劉三復

素衣京洛塵歸棹過南津故里跡猶在舊交心更  
親月高蕭寺夜風暖庾樓春詩酒應無暇朝朝問  
旅人

再寄殷堯藩秀才

直道知難用經年向水濱宅從栽竹貴家爲買書  
貧就學多新客登朝盡故人蓬萊自有路莫羨武  
陵春

李生棄官入道因寄

西巖一徑通

作千巖路不窮

知學

一作訪

採芝翁寒暑丹

心外光陰白髮中水深魚避釣雲迥鶴辭籠坐想  
還家日人非井邑空

姑熟官舍寄汝洛友人

官靜亦無能平生少而朋務閑唯印吏公退只基

僧藥鼎初寒火書龕欲夜燈安知北溟水終日送搏鵬

晚發天井關寄李師晦

山在水滔滔流年欲

惜一作

二毛湘潭歸夢遠燕趙

客程勞露曉紅蘭重雲晴碧樹高逢秋正多感萬里別同袍

曉發鄞江北渡寄崔韓二先輩

南北信多岐生涯半別離地窮山盡處江泛水寒時露曉蒹葭重霜晴橘柚垂無勞促回轍千里有心期

寄天香寺仲儀上人富春孫處士

詩僧與釣翁千里兩情通  
雲帶鴈門雪水連漁浦  
風心期榮辱外名挂是非中  
歲晚亦歸去田園清洛東

寄契盈上人

何處是西林疎鐘復遠砧  
馬來秋水濶鴉盡夕陽沉  
婚嫁乖前志功名異夙心  
湯師不可問江上碧雲深

泛舟尋鬱林寺道玄上人遇雨而返因寄

禪扉倚石梯雲濕雨淒淒  
草色分松徑泉聲咽稻

畦棹移灘鳥沒鐘斷嶺猿啼入夜花如雪迴舟憶  
剡溪

訓報先上人登樓見寄

上人自峽下來

丹葉下西樓知君萬里愁鐘非黔峽寺帆是敬亭  
舟山色和雲暮湖光共月秋天台多道侶何惜更  
南游

陪越中使院諸公鏡波館餞明台裴鄭二使  
君

傾幕來華館淹留二使君舞移清夜月歌斷碧空  
雲海郡樓臺接江船劍戟分明時自騫翥無復歎

離羣

雪上宴別

山斷水茫茫洛人

一作濱

西路長笙歌留遠棹風雨

寄華堂紅壁耿秋燭翠簾

一作簾

凝曉香誰堪從此

去雲樹滿陵陽

江樓夜別

離別奈情何江樓凝艷歌蕙蘭秋露重蘆華夜風  
多深怨寄清瑟遠愁生翠蛾酒酣相顧起明月棹  
寒波

下第別楊至之



花落水潺潺十年離舊山夜愁添白髮春淚減朱  
顏孤劍北游塞遠書東出關逢君話心曲一醉灞  
陵間

崇聖寺別楊至之

蕭寺暫時

一作相

逢離憂滿病容寒齋秋少燕陰壁

夜多蛩樹暗水千里山深雲萬重懷君在書信莫  
過鴈回峯

別韋處士

南北斷蓬飛別多相見稀更傷今日酒未換昔年  
衣舊友幾人在故鄉何處歸秦原向西路雲晚雪

霏霏

南陵留別段氏兄弟

不知身老大猶似舊時狂爲酒遊山縣留詩遍草  
堂歸期秋未盡離恨日偏長更羨君兄弟參差鴈  
一行

早發中巖寺別契直上人

蒼蒼松桂陰殘月半西岑素壁寒燈暗紅爐夜火  
深厨開山鼠散鐘盡嶺猿吟行役方如此逢師懶  
話心

晨別脩然上人

吳僧誦經罷，敗衲倚蒲團。  
鐘韻花猶斂，樓陰月向殘。  
晴山開殿響，秋水捲簾寒。  
獨恨孤舟去，千灘復萬灘。

旅中別姪暉

相見又南北，中宵淚滿襟。  
旅遊知世薄，貧別覺情深。  
歌管一樽酒，山川萬里心。  
此身多在路，休誦異鄉吟。

京口津亭送張崔二侍御

愛樹滿西津，津亭墮淚頻。  
素車應度洛，珠履更歸秦。  
水接三湘暮，山通五嶺春。  
傷離與懷舊，明日白頭人。

頭人

愛樹用召棠  
工而足致

送韓校書

恨與前歡隔愁因此會同跡  
高芸閣吏名散雪樓  
翁城閉三秋雨帆飛一夜風  
酒醒鱸膾美應在竟陵東

韶州送竇司直出嶺

江曲山如畫貪程亦駐舟  
果隨巖欹落槎帶水禽  
流客散他鄉夜人歸故國秋  
樽前掛帆去風雨下西樓

送樓煩李別駕

琴清詩思勞更欲學龍韜王粲暫停筆呂虔初佩  
刀夜吟關月靜秋望塞雲高去去從軍樂鵬飛代  
馬豪

廣陵送剡縣薛明府赴任

車馬楚城壕清歌送濁醪露花羞別淚煙草讓歸  
袍烏浴春塘煖猿吟暮嶺高尋仙在仙骨不用廢  
牛刀

送前緱氏韋明府遠遊

酒闌橫劍歌日暮望關河道直去官早家貧爲客  
多山昏函谷雨水落洞庭波莫盡遠遊興故園荒

唐詩集  
卷二  
辟蘿

送南陵李少府

高人亦未閑來往楚雲間劍在心應壯書窮髣已  
斑落帆秋水寺驅馬夕陽山明日南昌尉空齋又  
掩關

送同年崔先輩

西風帆勢輕南浦遍離情菊艷含秋水荷香遶雨  
聲扣舷灘鳥沒移棹草蟲鳴更憶前年別槐花滿  
鳳城

送友人罷舉歸東海

滄波天堦外何島是新羅  
舶主辭番遠碁僧入漢  
多海風吹白鶻沙日晒紅螺此去知投筆須求利  
劍磨

送李文明下第鄜州覲兄

征夫天一涯醉贈別吾詩鴈迥參差遠龍多次第  
遲甯歌還夜苦宋賦更秋悲的的遙相待清風白  
露時

下第送宋秀才游岐下楊秀才還江東

年來不自得一望幾傷心風轉蕙蘭色月移松桂  
陰馬隨邊草遠帆落海雲深明日各分首更聽梁

甫吟

送段覺歸東陽兼寄竇使君

山水引歸路陸郎從此諳  
秋茶垂露細寒菊帶霜  
甘臺倚烏龍嶺樓侵白鴈潭  
沈公如借問心在澗  
河南

送段覺歸杜曲閑居

書劍南歸去山扉別幾年  
苔侵巖下路果落洞中  
泉紅葉高齋雨青蘿曲檻煙  
寧知遠遊客羸馬太行前

送李暎秀才西行



萬里不辭勞  
寒裝疊繻袍  
停車山店雨  
挂席海門濤  
鴈勢暮偏急  
鶴聲秋更高  
知君北邙路  
留劍泣黃蒿

送李定言南遊

酒酣輕別恨  
酒醒復離憂  
遠水應移棹  
高峯更上樓  
簾涼清露夜  
琴響碧天秋  
重惜芳樽宴  
滿城無舊游

送李秀才

南樓送郢客  
西郭見荆門  
鳬下寒渚  
牛羊歸遠村  
蘭舟倚行棹  
桂酒掩餘樽  
重此一留宿  
前村烟

水昏

送魚思別處士歸有懷

讌罷衆賓散長歌携一枝溪亭相送遠山郭獨歸

遲風檻夕雲散

一作陽散

月軒寒露滋病來雙鬢白不

是舊離時

將赴京師蒜山津送客還荆渚

樽前萬里愁楚塞與皇州雲識瀟湘雨風知鄆杜

秋潮平猶

一作仍

倚棹月上更登樓他

浪水漁

歌對白頭

一作鵝

吳門送客早發

吳歌咽深思楚客怨歸程寺曉樓臺迥一作鐘江

秋管吹清早潮低水檻殘月下山城惆悵回舟日

湘南春草生

送客

一作懷江南同志

南國別經年雲暗波接天蒲深鵝鵲戲花暖鷓鴣  
眼竹暗潮妃廟楓陰楚客船唯應洞庭月萬里共  
嬋娟

送客江行

蕭蕭蘆荻花郢客獨辭家遠棹依山響危檣轉浦  
斜水寒澄淺石潮落漲虛沙莫與征徒望鄉園去

漸餘

送客歸湘楚

無辭一盃酒  
昔日與君深  
秋色換歸髩  
曙光生別心  
桂花山廟冷  
楓樹水樓陰  
此路千餘里  
應勞楚客吟

送客歸峽中

津亭多別離  
楊柳半無枝  
住接猿啼處  
行逢鴈過時  
江風颺帆急  
山月下樓遲  
還就西齋宿  
煙波勞夢思

一作武夕歸城  
郭不眠人語知

送客南歸有懷

綠水暖青蘋湘潭萬里春  
瓦樽迎海客銅鼓賽江神  
避雨松楓岸看雲楊柳津  
長安一杯酒座上有歸人

送客歸吳興

綠水棹雲月洞庭歸路長  
春橋懸酒幔

一作旂

夜柵

集茶檣箬葉沉溪暖蘋花遶郭香  
應逢柳太守爲說過瀟湘

送客歸蘭溪

花下送歸客路長應過秋暮  
隨江鳥宿寒共嶺猿愁  
衆水喧巖瀨群峰抱沈樓  
因君幾南望曾向此

中遊

送友人歸荆楚

調瑟勸離酒苦請荆楚門竹斑悲帝女草綠怨王  
孫潮落九疑迴雨連三峽昏同來不同去迢遞更  
傷魂

送湯處士反初卜居曲江

鴈門歸去遠垂老脫袈裟蕭寺休爲客曹溪便寄  
家綠琪千歲樹黃檗四時花別怨應無限門前桂  
水斜

松江渡送人

故國今何在扁舟竟不歸雲移山漠漠江濶樹依  
依晚色千帆落秋聲一鴈飛此時兼送客凭檻欲  
沾衣

送從兄歸隱藍溪三首

名高猶素衣窮巷掩荆扉漸老故人少久貧豪客  
稀塞雲橫劍望山月抱琴歸幾日藍溪醉藤花拂

釣磯

一作莫遣藍溪  
路青苔滿釣磯

京洛多高蓋憐兄劇斷蓬身隨一劍老家入萬山  
空夜憶蕭關月行悲易水風無人知此意甘臥白  
雲中

燕鴈下秋塘田家自此忙  
移蔬通遠水收果待繁霜  
野碓舂秬滑山厨焙茗香  
客來還有酒隨事宿茅堂

送無夢道人先歸甘露寺

飄飄

一作飄飄

隨晚浪杯影入鷗群  
萍凍千船雪巖陰

一寺雲夜燈江北見寒磬  
水西聞鶴嶺烟霞在歸期不羨君

送鄭寂上人南行

儒家有釋子年少學支公  
心出是非外跡辭榮辱  
中錫寒秦嶺月杯急楚江風  
離怨故園思小秋梨



葉紅

送惟素上人歸新安

山空葉復落一逕下新安  
風急渡谿晚雪晴歸寺  
寒尋雲策藤杖向日倚蒲團  
寧憶西游客勞勞歌

路難

風雪雲日  
豈可疊用

送太昱禪師

禪床深竹裏心與徑山期  
結社多高客登壇盡小  
師早秋歸寺遠新雨上灘  
遲別後江雲碧南齋一  
首詩

送僧歸金山寺

老歸江上寺不忘舊師恩駐錫逢山色停杯一作  
見浪痕秋濤吞楚驛曉對上荆門爲訪題詩處荷  
苔幾字存

送僧歸敬亭山寺

十年劍中路傳盡本師經曉月下黔峽秋風歸敬  
亭開門新樹綠登閣舊山青遙想論禪處松陰水  
一瓶

戊籤五許渾之四

唐音統籤卷

五百八十六

五言律詩四

重經姑蘇懷古二首

越兵驅綺羅越女唱吳歌宮盡燕聲少臺荒麋跡  
多茱萸垂曉露菡萏落秋波無復君王醉滿城顰  
翠蛾

香逕遶吳宮千帆落照中鵲鳴山欲雨魚躍海多  
風城帶晚莎綠池連秋蓼紅當年國門外誰識

一作

信伍員忠

途經李翰林墓

氣逸何人識才高舉世疑  
禰生狂善賦陶令醉能  
詩碧水鱸魚怨青山鵬鳥悲  
不堪遺塚在荆棘楚江湄

再游越中傷朱餘慶先輩直上人

昔年湖上客留訪雪山翁  
王氏船猶在蕭家寺已  
空月高花有露煙合水無風  
處處多遺韻何曾入剡中

過故友舊居

往年公子宅夜宴樂難忘  
高竹動疎翠早蓮一作荷  
飄暗香珠盤凝寶瑟綺席遞華觴  
一本作門人凝寶瑟坐客遞華

觴

今日皆何處閉門春草長

一作荒

### 馬鎮西故第

將軍久已沒行客自興哀功業山長在繁華水不迴  
亂藤侵廢井荒菊上叢臺借問此中事幾家歌舞來

### 過鮑溶宅有感

寥落故人宅重來身已亡古苔殘墨沼深竹舊書  
堂秋色館池靜雨聲雲木涼無因展交道日暮倍  
心傷

### 太和初靖恭里感事

咏宋相申錫也申錫爲王守澄所構謫死開州

文宗大和

五年事

清湘弔屈原垂淚擷蘋蘩謗起乘軒鶴機沉在檻  
懷乾坤三事貴華夏一夫冤寧有唐虞世心知不  
爲言

懿安皇太后挽歌詞

陵前春不盡陵下夜何窮未信金蠶老先驚玉燕  
空挽穆蘭殿月筵引栢城風自此隨龍馭橋山翠  
靄中

傷馮秀才

旅葬不可問茫茫西隴頭水雲

煙

一作

青草濕山月

白楊愁琴信有時罷劍傷無處留淮南舊煙月孤  
棹更逢秋

重傷楊攀處士二首

綠雲多學術黃髮竟無成酒縱山中性詩留海上  
名讀書新樹老垂釣舊磯平今日悲前事西風聞  
哭聲

從官任直道幾處脫長裾歿後兒猶小葬來人漸  
踈新鄰占池館長吏覓圖書身賤難相報平生恨  
有餘

一作無復前秋  
事西齋賦于虛

友人自荆襄歸江東新喪其偶

商洛轉江濱一杯聊送君  
劍愁龍失伴琴怨鶴離  
群楚驛枕秋水湘帆凌暮雲  
猿聲斷腸處應向雨  
中聞

對雪

飛舞北風涼玉人歌玉堂  
簾帷增曙色珠翠發寒  
光柳重絮微濕梅繁花未香  
茲辰賀豐歲簫鼓宴  
梁王

看雪

松亞竹珊珊心知萬井歡  
山明迷舊徑溪滿漲新  
瀾客醉瑤臺曙兵防玉塞寒  
紅樓知有酒誰肯學



袁安

洞靈觀冬青

霜霰不凋色兩株交石壇  
未秋紅實淺經夏綠陰  
寒露重蟬鳴急風多鳥宿難  
何如西禁柳晴舞玉  
闌干

秋日白沙館對竹

蕭蕭凌雪霜濃翠異三湘  
疎影月移壁寒聲風滿  
堂捲簾秋更早高枕夜偏長  
忽憶秦溪路萬竿今  
正涼

金谷桃花

人在舞樓空  
年年依舊紅淚光  
停曉露愁態倚春  
風開處  
妾先死  
落時君亦終  
東流兩三片應在  
一作  
到夜泉中

孤鴈

昔年雙頰頰池上  
霽春暉  
霄漢力猶怯  
稻梁心已違  
蘆洲寒獨宿  
一作  
榆塞夜孤飛  
不及營巢燕  
西風相伴  
一作  
逐歸

山鷄

珍禽暫不羈  
飛舞躍前庭  
翠網摧金距  
雕籠減繡翎  
月圓疑望鏡  
花暖似依屏  
何必舊巢去  
山山芳

草青

鷓鴣

池寒柳復凋，獨宿夜迢迢。  
雨頂冠應冷，風毛劍欲飄。  
故巢迷碧水，舊侶越丹霄。  
不是無歸<sub>一作</sub>處，心高多寂寥。

放猿

殷勤解金鎖，昨

一作別

夜雨淒淒山淺憶，巫峽水寒

思建溪遠尋

一作紅樹宿深向白雲啼好覓來時

路煙蘿莫共迷

一作自迷

五言小律

洛陽道中

洛陽多舊跡一日幾人愁  
風起禁花晚月明宮樹秋  
興亡不可問自古水東流

五言排律

南海使院對菊懷丁卯別墅

何處曾移菊溪橋鶴嶺東  
籬疎還有艷園小亦無  
叢日晚秋煙裏星繁曉露中  
影搖金澗水香染玉潭風  
罷酒慙陶令題詩答謝公  
朝來數花發身在尉佗宮

陪少師李相國崔賓客宴居守狄僕射池亭

池色似瀟湘

一作擬三洲

仙舟日正長燕飛驚蛺蝶魚

戲動鶯鶯雲聚

一作定

歌初轉風回舞欲翔暖醅松

葉嫩寒粥杏花香羅綺留春色笙竽送晚光何須  
明月夜紅燭在華堂

### 秋夕宴李侍御宅

公子徵詞客秋堂遶玉杯月高羅幕卷風度錦屏  
開鳳管添簧品鵬絃促柱哀轉喉雲旋合垂手露  
徐來燭換三條燼香銷十炷灰蛩聲聞鼓歇螢燄  
觸簾回廣檻煙分柳空庭露積苔解醒須滿酌應  
爲潑新醅

維舟秦淮過温州李給事宅

給事爲郎日青溪醉隱銜水池通極浦雪徑遶高  
巖珠玉砂同棄松筠草共芟帝圖憂一失臣節恥  
三緘代有王陵顧時無靳尚讒定應標直筆寧爲  
發空函霧黑連雲棧風狂截海帆石梯迎雨澗沙  
井帶潮鹹蠟侵青筠杖籃輿白剝衫應勞北歸夢  
山路正巉巖

晨自竹徑至龍興寺崇隱上人院

勝寺通南徑僧堂倚北坡藤陰迷晚竹苔滑仰  
晴沙病憶春前別閑宜雨後過石橫聞水遠林缺

去聲

見山多欲結三天社  
初降十地魔  
素龍來有窟  
靈鶴去無窠  
客路隨萍梗  
鄉園失薜蘿  
禪心如可學  
不藉魯陽戈

泛五雲溪

此溪何處路遙問  
白髯翁佛廟千巖裏  
人家一島中  
魚傾荷葉露  
蟬噪柳林風  
急瀨鳴車軸  
微波漾釣筒  
石苔紫棹綠山果  
拂舟紅更就前溪宿  
村橋與剡通

金陵阻風登延祚閣

極目皆陳迹  
披圖問遠公  
戈鋌三國後  
冠蓋六朝

中葛蔓交殘壘

一作苔

花沒廢宮水流簫鼓絕山

在綺羅空極浦千艘聚高臺一徑通雲移吳岫雨  
潮轉楚江風登閣慙漂梗停舟憶斷蓬歸期與歸  
路杉桂海門東

歲暮自廣江至新興往復中題峽山寺四首

夜醉晨方醒孤吟恐失群海鮐潮上見江鵠霧中  
聞未臘梅先實經冬草自薰樹隨山崦合泉到石  
稜分虎跡空林雨猿聲絕楮雲蕭蕭異鄉聲明日  
共絲棼

薄暮綠

一作公

西峽停橈

訪僧驚巢橫臥柳猿飲



倒垂藤水曲巖千疊雲重樹百層山風寒殿磬溪  
雨夜船燈灘漲危槎沒泉衝怪石崩中臺一襟淚  
歲杪別良朋

密樹分蒼壁長溪抱碧岑海風聞鶴遠潭口見魚

深松蓋環清韻榕根架綠陰

南方大葉榕樹枝危者輒生根垂入地如

桂洞丁多斲石蠻女半淘金

端州斲石塗涯縣淘金爲業南浦

驚春至西樓送月沉江流不過嶺何處寄歸心

月在行人起千峯復萬峯海虎爭翡翠溪邏闔芙

蓉

南方呼市爲虎呼成爲邏新州有翡翠虎芙蓉邏也

古木高生斛陰池滿

種松

木斛花生于他樹樣枿池沼多松謂之水松也

火探深洞燕香送遠

月 子 系 錄

潭龍

南方持火於乳洞中取燕而食康州悅城縣有姐龍即蛇也隨水往舟船至人家或千里

外皆以香

果酒送之藍塢寒先燒禾堂晚併春

種藍多有塢先燒其地人

以木槽春禾謂之春堂

更投何處宿西峽隔雲鐘

蒜山津觀發軍

羽檄徵兵急轅門選將雄犬羊憂破竹貔虎極飛  
蓬定繫猖狂虜何煩矍鑠翁更探黃石略重振黑  
山功別馬嘶營柳驚鳥散井桐低星連寶劍殘月  
讓雕弓浪曉戈鋌裏山晴鼓角中甲開魚照水旗  
颯虎拏風去想金河遠行聞玉塞空漢庭應有問  
師律在元戎

奉賀盧大夫新立假山

巖谷留心賞，爲山極自然。孤峯空近笋，攢萼旋開蓮。  
黛色朱樓下，雲形繡戶前。砌塵凝積霤，簷溜掛飛泉。  
樹暗壺中月，花香洞里天。何如謝康樂，海嶠獨題篇。

和李相國 并序

蒙賓客李相國見示和宣武盧僕射以吏部尚書自江南赴闕覲大梁白鵲因贈五言六韻

和

巨實珍吳果，馴雛重越禽。摘來漁浦上，携在兔園陰。  
霜合凝丹頰，風披歛素襟。刀分瓊液散，籠蔽雪

華深虎帳齊中設龍樓洛下吟含消兼受彩應貴  
家卿心

宣城贈蕭兵曹

桂檝謫湘渚三年波上春舟寒剡溪雪衣破洛城  
塵客道恥搖尾皇恩寬犯鱗花時去國遠月夕上  
樓頻貪酒不辭病傭書非爲貧行吟值漁父坐隱  
對樵人紫陌罷雙轍碧潭窮一綸高歌更南去烟  
水是通津

冬日宣城開元寺贈元孚上人

鉢事南宗僧儀稱病容曹溪花裏別蕭寺竹前

逢燭影深寒殿經聲徹曙鐘欲齋簷下鵲初定壁  
吟蛩詩繼休遺韻書傳永逸蹤藝多人譽洽緣絕  
道情濃汲澗瓶沉藻眠堦錫挂松雲鳴新放鶴池  
臥舊降龍露茗山厨焙霜杭野碓春梵文明處譯  
禪衲暖時縫層塔題應遍飛軒步不慵繡梁交薜  
荔畫井倒芙蓉翠戶垂旗綢朱窓列劍鋒寒風金  
磬遠晴雪玉樓重妙理三乘達清才萬象供山高  
橫睥睨灘淺聚艤艫微靄一作霧蒼平楚殘暉淡遠  
峰林疎霜檝檝波靜月溶溶劍出因雷煥琴全一作  
焦遇蔡邕西方如一作知有社支許合相從

贈蕭鍊師并序

鍊師貞元初自梨園選爲內伎善舞柘枝宮中  
莫有倫比者寵錫甚厚及駕幸奉天以病不獲  
隨輦遂失所止泊復宮闕上頗懷其藝求之淡  
旬得于人間後聞神仙之事謂長生可致乞奉  
貴老上許之詔居嵩南洞清觀至今八十餘矣  
雪膚花顏與昔無異則知龜鶴之壽安得不由  
詩題于院壁是

曾試昭陽曲瑤堦帝自臨紅珠絡繡帽翠釧束羅  
襟雙闕朝塵起千門宿霧陰出宮迷國步回駕軫  
皇心桂殿春空晚椒房夜自深急宣求故劍冥契  
得遺簪暗記神仙傳潛封女史箴壺中知日永掌  
上長年侵莫比班家扇寧同卓氏琴雲車辭鳳輦

羽帔別鴛衾網斷魚遊藻籠閑鶴戲林洛煙浮碧  
漢嵩月上丹岑露草爭三秀風篴共八音吹笙延  
鶴舞敲磬引龍吟旄節纖腰舉霞杯皓腕斟還磨  
照寶鏡猶拂碎寒金東海人情變南山聖壽沉朱  
顏常似渥綠髮已加尋養氣齊生死留形盡古今  
更來應不見雞犬日駸駸

寄郴州李相公

高樓王與謝逸韻比南金不遇銷憂日埃塵誰復  
尋曠懷澹得喪失意縱登臨彩檻浮雲迥綺窓明  
月深虬龍壓滄海鴛鴦思鄧林青雲傷國器白髮

軫鄉心功高恩自洽道直謗徒侵應笑靈均恨江  
畔獨行吟

送林處士自閩中道越由雪抵兩川

書劍少青眼煙波初白頭鄉關背梨嶺客路轉蘋  
洲處困道難固乘時恩易辭鏡中非訪戴劍外欲  
依劉高枕海天暝落帆江雨秋鼉聲應遠鼓蜃氣  
學危樓智士一作役千慮達人輕百憂唯聞陶靖  
節多在醉鄉游

送從兄別駕歸蜀

并序

從兄彥昭與桂陽令韋伯達貞元年中俱爲千  
牛伯達官至王府長慶中非罪受譴前年



曾救復故秩詔未及而已歿從兄自蜀而南  
昇旅親歸葬金上既而西還因成十韻贈別

聞與湘南令童年侍玉墀家留秦塞曲官謫瘴溪

湄道直奸臣屏冤深聖主知逝川東去疾霈澤北

來遲青漢龍髯絕蒼岑一作馬鬣移風淒聞笛處

月慘罷琴時客路黃公廟鄉關白帝祠已稱鸚鵡

賦寧誦鵲錫詩遠道書難達長亭酒莫持當憑蜀

江水萬里寄相思

卷終

戊籤五許渾之五

唐音統籤卷五百八十七

七言律詩一

正元

高揭鷄竿闕帝闈祥風微暖瑞雲屯  
于官共削姦臣迹萬國初銜聖主恩  
宮殿雪華齊紫閣關河春色到青門  
華夷一軌人方泰莫學論兵誤至尊

論兵

指贊皇公奸臣謂贊皇黨也此必

大中初詩渾時正進用官西臺

秋曰候扇

唐百官志尚華尚大朝會扇一百五十六常朝去扇左右留者三扇

宵衣應待絕更籌環佩鏘鏘月下樓  
井轉轆轤干

樹曉鏤開闔闔萬山秋龍旗盡列

一作

趨金殿雉

扇纔分拜玉旒  
虎戴鐵冠無一事  
滄江歸去老漁

舟

一作滄江歸  
老釣漁舟

十二月拜起居表回

一章西奏拜仙曹  
回馬天津北望勞  
寒水欲春冰彩薄  
曉山初霽雪峯高  
樓形向日攢飛鳳  
宮勢凌波壓扑鰲  
空鎖煙霞絕  
巡幸周人誰識鬱金袍

村舍二首

自剪青莎織雨衣  
南村烟火是柴扉

一作山

妻早

報一作起

蒸藜熟童子遙迎種豆歸  
魚下碧潭當鏡

躍鳥還青嶂  
拂屏飛花時未免人來往  
欲買嚴光

舊釣磯

尚平多累自歸難一日身閑一日安山逕有一作晚

雲收獵網木門無一作涼月掛魚竿花間酒氣春風

遠竹裏棋聲夜雨寒三頃水田秋更熟北窓誰拂

舊塵冠

臥病

寒窓燈盡月斜暉珮馬朝天獨掩扉清露已凋秦

塞柳白雲空長越山薇病中送客難爲別夢裏還

家不當歸惟有寄書書未得臥聞燕鴈向南飛

陪宣城大夫崔公泛後池兼北樓讌二首

陪泛方池醉北樓  
木花繁艷照膺舟  
亭臺陰合樹初  
青絃管韻高山  
欲秋皆賀號巖  
終選傳自傷燕  
谷未逢鄒昔時  
恩遇今能否一  
尉滄江已白頭  
江上西來共鳥飛  
翽翽浮汎似輕  
肥王珣作簿公  
曾喜劉表爲那  
客盡依雲外軒  
窓通早景風前  
蕭鼓送殘暉宛  
陵行樂金陵佳  
遙對家山未憶  
歸

將爲南行陪尚書崔公宴海樞堂

朝譙華堂暮未休  
幾人偏得謝公留  
風傳鼓角霜侵戟  
雲捲笙歌月上樓  
賓館盡開徐榻客  
帆空戀李膺舟  
漫誇書劍無歸處  
水遠山長步步愁

韶州韶陽樓夜讌

待月西

江一作

樓捲翠羅玉杯瑤瑟近星河簾前碧

樹窮秋密窓外青山薄暮多鸛鶴未知狂客醉鷗

鷺先讓美人歌使君莫

一作不

惜通宵飲刀筆初從

馬伏波

觀章中丞夜按歌樂

夜按雙娃禁曲新東西簫鼓接雲

一作華

津舞衫未

換紅鉛濕歌扇初移翠黛顰彩檻燭烟光吐日盡

屏香霧暖如

一作疑

春西樓月在襄王醉十二山高

不見人

疾後與郡中羣公讌李秀才

強留佳客讌王孫。巖上餘花落酒樽。書院欲開蟲網戶。訟庭猶掩雀羅門。耳虛盡日疑琴癖。眼暗經秋覺鏡昏。莫引劉安倚西檻。夜來紅葉下江村。

賴州從事西湖亭讌餞

西湖清燕不知回  
一曲離歌酒一杯  
城帶夕陽聞

鼓角寺臨秋水見樓臺蘭堂客散

作  
蟬猶噪桂

人稀鳥自來獨想征帆去

車一過作

華洛此中霜菊

止花

遠  
潭  
開

解州驛樓宴罷

簷外千帆背夕陽歸心杳杳髻蒼蒼嶺猿羣宿夜  
山靜沙鳥獨飛秋水涼露墮桂花碁局濕風吹荷  
葉酒瓶香主人不醉下樓去月在南軒更漏長

晚自東郭回留一二遊侶

鄉心迢遞宦情微吏散尋幽竟落暉林下草腥巢  
鷺宿洞前雲濕雨龍歸鐘隨野艇回孤棹鼓絕山  
城掩半扉今夜西齋好風月一瓢春酒莫相違

長慶寺遇常州阮秀才

高閣晴軒對一峰毗陵書客此相逢晚收紅葉題  
詩遍秋待黃花釀酒濃山館日斜喧鳥雀石潭波



動戲魚龍上方有路應知處疎磬寒蟬第幾重

灞上逢元處士東歸

疲馬頻嘶灞水寒灞南高處望長安何人更結王  
生襪此客虛彈貢氏冠江上蟹螯沙渺渺塢中蝸  
殼雪漫漫舊交已盡新知少却伴漁郎把釣竿

與張處士同訪李隱君不遇

千巖萬壑獨携琴知在陵陽不可尋去轍已平秋

草遍空齋長掩幕雲深霜肥

一作寒

橡栗留山鼠月

冷菰蒲散水禽唯有西鄰張仲蔚坐來同愴別難  
心

長安歲暮

獨望天門倚劍歌，千時無計老關河。

一作每望青雲憶薜蘿長

安九陌  
獨悲歌

東歸萬里慙張翰，西上四年羞卜和。花暗

楚城春醉少，月涼秦塞夜愁多。三山歲歲有人去，

唯恐海風生白波。

一作蓬瀛有路未知處，漲海悠悠空碧波。

姑熟官舍

草生官舍似閑居，雪照南窓滿素書。貧後始知爲吏拙，病來還喜識人疎。青雲豈有窺梁燕，濁水應無避釣魚。不待秋風便歸去，紫陽山下是吾廬。

早秋韶陽夜雨

宋玉含悽夢亦驚芙蓉山響一猿聲陰雲迎雨枕  
先潤夜電引雷窓暫明暗惜水花飄廣檻遠愁風  
葉下高城西歸萬里未千里應到故園春草生

南海府罷南康阻淺行侶稍稍登陸主人燕  
餞至頻暮宿東溪

暗灘水落漲虛沙灘去秦吳萬里賒馬上折殘江  
北柳舟中開盡嶺南花離歌不斷如畱客歸夢初  
驚似到一作別家山鳥一聲人未起半床春月在天

夜歸驛樓

水晚雲秋山不窮自疑身在畫屏中孤舟移棹一  
江月高閣捲簾千樹風窓下覆棋殘局在橘邊沽  
酒半壘空早炊香稻待鱸膾南渚未明尋釣翁

早發天台中巖寺度關嶺次天姥岑

來往天台天姥間欲求真訣駐衰顏星河半落巖  
前寺雲霧初開嶺上關丹竒樹多風皓皓碧溪苔  
淺水潺潺可知劉阮逢人處行盡深山又是山

將度故城湖阻風夜泊永陽戍

行盡清溪日已蹉雲容山影水嵯峨樓前歸客怨  
清夢樓上美人凝夜歌獨樹高高風勢急平湖渺

沙月明多終期一艇載樵去來往使帆凌白波  
自楞伽寺晨起汎舟道中有懷

碧樹蒼蒼茂苑東佳期迢遞路何窮一聲山鳥曙  
雲外萬點水螢秋草中門掩竹齋微有月棹移蘭  
渚淡無風欲知此路堪惆悵菱葉蓼花連故宮

南陽道中

月斜孤館倚村行野店高低帶古城籬上曉花齋  
後落井邊秋葉社前生飢鳥索哺隨雛叫乳犉慵  
歸望犢鳴荒草連天風動地不知誰學武侯耕

新興道中

芙蓉村步失官金折獄無功不可尋  
初挂海帆逢歲暮却開山館值春深  
波渾未辨魚龍跡霧暗寧知蚌鷸心  
夜榜歸舟望漁火一溪風雨雨巖陰

### 滄浪峽

纓帶流塵髮半霜獨尋殘月下滄浪  
一聲溪鳥暗雲散萬片野花流水香  
昔日未知方外樂暮年初信夢中忙  
紅蝦青鯽紫芹脆歸去不辭來路長

### 晚登龍門驛樓

魚龍多處繫門開萬古人知夏禹材  
青嶂遠分從地斷洪流高瀉自天來  
風雲有路皆燒尾波浪無

程盡襟腮心感膺門身過此晚山秋樹獨徘徊

秋晚雲陽驛西亭蓮池

楊用修云此詩爲丁卯集中第一而選者

不之取

爲憶蓮塘秉燭遊葉殘花敗尚維舟煙開翠扇清  
風曉水泛紅衣白露秋神女暫來雲易散仙娥終  
去月難留空懷遠道難無一作持贈醉倚闌干盡日  
愁

### 鶴林寺中秋夜翫月

待月東林月正圓廣庭無樹草無煙中秋雲盡

一作一

淨出滄海半夜露寒當碧天輪彩漸移金殿外鏡

光猶挂玉樓前莫辭達曙慙慙望一墮西巖又隔年

冬日登越工臺懷歸

月沉高岫宿雲開萬里歸心獨上來河畔雪飛楊子宅海邊花盛越王臺瀧分桂嶺魚難過瘴近衡峯鴈却回鄉信漸稀人漸老只應頻看一作醉北枝

梅楊子漢議郎楊孚也廣志孚字孝元嘗樹河南五鬣松于廣州北岸粵無雪至此地雪乃降今下渡頭村前即其故宅

朝臺送客有懷

趙佗西拜已登壇馬援南征土宇寬越國舊無唐



印綬蠻鄉今有漢衣冠江雲帶日秋偏熱海雨隨風夏亦寒嶺北歸人莫回首蓼花楓葉萬重灘

懷舊居

兵書一篋老無功故國郊扉在夢中藤蔓覆梨張谷暗草花

一作花

侵菊庾園空朱門跡忝登龍客白

屋心期失馬翁楚水吳山何處是北窓殘月照屏風

題陸侍御林亭

野水通池石疊臺五營無事隱雄材松齋下馬書千卷蘭舫逢人酒一杯寒樹雪晴紅艷吐遠山雲

曉翠光來定知別後無多日海柳江花次第開

湖南徐明府余之南鄰久不還家因題林館

文苑作同孫虛二仙  
侶題楚明府林亭

湘南官滿不歸來高閣經年掩綠苔魚溢池塘秋  
雨過鳥還洲島暮雲回階前石穩基終局窗外山  
高酒滿杯借問先生在何處遠籬疎菊又花開

朱坡故少保杜公池亭

才調集人  
無名氏

杜陵池榭倚城東孤島回汀路不窮高岫乍疑三  
峽近遠波初似五湖通楸梧葉暗瀟瀟雨菱荇花  
香淡淡風還有昔時巢燕在飛來飛去盡堂中

一作

空

出永通門經李氏莊

飛軒危檻百花堂朝宴歌鐘暮已荒中散獄成琴  
自怨步兵尉廢酒猶香風池宿鳥喧朱閣雨砌秋  
螢拂畫梁力保山河家又慶祗應中令敵汾陽

題韋長史山居

一官唯買畫公堂但得身閑日自長琴曲少聲重  
勸諸藥丸多志更尋方溪浮箬葉添盃綠泉遶松  
根助茗香明日鯪魚何處釣門前春水似滄浪

題崔處士山居

坐窮今古掩書堂二頃湖田一半荒  
荆樹有花兄弟樂橘林無實子孫忙  
龍歸曉洞雲猶濕麝過春山草自香  
向夜欲歸心萬里故園松月更蒼蒼

錢塘青山李隱居西齋

文苑英華作李郢詩

小隱西亭爲客開翠蘿深處遍蒼苔  
林間掃石安碁局巖下分泉遞酒盃  
蘭葉露光秋月上蘆花風起夜潮來  
雲山遶屋猶嫌淺欲棹漁舟近釣臺

晚自朝臺至韋隱居郊園

秋來鳬鴈下方塘繫馬朝臺步夕陽  
村徑繞山松葉暗野一作柴門臨水稻  
花香雲連海氣琴書潤風

帶潮聲枕簟涼西下礮溪猶萬里可能垂白待文

王

寄題華嚴韋秀才院

與前長慶寺遇  
阮秀才詩多同

三面樓臺百丈峰西巖高枕樹重重今攀翠竹題  
詩滑秋摘黃花釀酒濃山殿日斜喧鳥雀石潭波  
動戲魚龍晴來故國遙相憶月照千山半夜鐘

題蘇州虎丘寺僧院

暫引寒泉濯遠塵此生多是異鄉人荆溪夜雨花

開

一作飛

疾吳苑秋風月滿頻萬里高低門外路百

年榮辱夢中身世間誰似西林客一臥煙霞四十

春

題靈山寺行堅師院

西巖一逕不通樵八十持盃未覺遙龍在石潭聞  
夜雨鴈移沙渚見秋潮經函露濕文多暗香印風  
吹字半銷應笑東歸又南去越山無路水迢迢

再遊姑蘇玉芝觀

高梧一葉下秋初迢迢重廊舊寄居月過碧窓今  
夜酒雨昏一作淋紅壁去年書玉池露冷芙蓉淺瓊  
樹風高一作金井烟分薜荔疎從此扁舟更東去仙翁應  
笑爲鱸魚

題勤尊師歷陽山居

并序

師卽思齊之孫頃爲故相國蕭公錄用相國致政尊師亦自遼將入道因贈是詩

三十知兵在羽林中年潛識子房心蒼鷹出塞胡

塵滅

一作淨

白鶴還鄉楚水深春坼酒瓶浮藥氣晚

携碁局帶松陰雞籠山上雲多處白斷黃精不可尋

重遊飛泉觀題故梁道士宿龍池

西巖泉落水容寬靈物蜿蜒黑處蟠松葉正秋琴韻響菱花初曉鏡光寒雲開星月浮山殿雨過風雷遶石壇仙客不歸龍亦去稻畦長滿此池乾

終卷